



Universitätsbibliothek Paderborn

**Enarrationes Novae D. Martini Lutheri in Ionam
Prophetam**

Jonas, Justus

Haganoæ

Et Niniue erat ciuitas Dei triu[m] dierum itinere.

urn:nbn:de:hbz:466:1-36521

deuicti sunt et cœsi. Adeo est uanum et impium
quicquid homines sua sponte pro arbitrio sine man-
dato et uerbo Dei incipiunt. Ultra hoc in secunda
bac uocatione Ionæ clare adjicitur, quid ex manda-
to Dei prædicare debeat, ut sic ministerium, simul
et doctrina habeant iussum Dei. Nam tūc uere pro-
phetica uocatio est, et affert fructum: aliás hi qui
currunt sine mandato Dei, aut aliud docent quam
Verbum Dei, hi tantum perniciem afferunt Eccle-
sijs, quemadmodum hæc duo Hieremias docet, Cur-
rebat, inquit, et non mittebam eos, id est, prædica-
bant et ego non mandabam eis. Hæc duo diligen-
ter obserua qui docturus es, nam tua interest et Ec-
clesiarum te esse à Deo missum. Sic Petrus illa duo
complectitur, Si quis loquitur, loquatur ut eloquia
Dei: si quis ministrat, ministret tanquam ex uirtute
quam suppeditat Deus. Ideo omnis plantatio quam
non plantauit pater, eradicatur. Quāuis enim plan-
tentur hæreses, et non nihil florent, tamen non fe-
runt fructum. Sic doctrinæ humanæ florent quidē
aliquandiu, et sæpe nocent Ecclesijs, sed non suc-
cessum habent, sed tandem percunt et eradicatur,
cum compleuerint dies suos.

Et Niniue erat ciuitas Dei triū-
dierum itinere.

IN. IONAM.

Quare Niniuen uocat ciuitatem Dei, cum tamē
ibi nec templum Dei, nec cultus, nec prophetae fue-
rint. Ego puto ideo appellari ciuitatem Dei, quod
Deus tam clementer respicit hanc urbem, solitus
pro ea ne pereat, mittēs ei proprium prophetam,
ut seruetur. Ideo coniisci potest hanc ciuitatem ali-
quam cognitionem habuisse de Deo, uero conditore
coeli & terrae. Et Deus sciuit fore ut suum prophe-
tam audirent, uerbum Ione acciperent & resipise-
rent. Quemadmodum & scripture de Naaman Sy-
ro dicit, quod Deus per ipsum Syria misertus est,
& Nabucadnezar Deus uocat seruum suum. Qui-
bus omnibus ostendit se quoq; gentium Deum esse,
& non tantum Iudeorum, & quomodo etiā in gen-
tibus habeat suos. Quod autem in textu dicitur, Ni-
niue erat ciuitas magna, itinere trium dierum, qui-
dam intelligunt quoddam amplis & longis muris
in gyrum cincta fuerit, ut trium dierum itineribus
potuerit tota urbs circumiri, quibus non subscribo.
Hec enim immanis uidetur magnitudo urbis & ni-
mis fabulosa. Nam 13. aut 14. Mil. Germanicorum
itineribus pateret longitudo murorum in gyru, &
urbis longitudo et latitudo esset quinq; aut sex Mil.
Ideo sic intelligo, Niniuen urbem fuisse tam magnā
& latā, ut uix triduo toto omnes eius plateā, iusta
& usitata deambulatione, nō cursu, pertransiri po-
tuerint.

Iuerint. Nam sequitur quod Ionas unius diei itinere ingressus urbem, prædicauerit: quod puto esse tam partem & tantum spacium totius Niniue urbis, quantum uno die sic deambulando confici posset. Hoc indicat etiā Heb. uocabulum Malzalach, quod significat eiusmodi transitum qualis fit in deambulationibus. Quemadmodum Moses Exod. 14. dicit, Dominum ea nocte transiisse per Aegyptum, & percussisse omnia primogenita. Ille transitus, non cursu, non recta aut breuissima linea factus est, sed sedate, ut in deambulationibus. Quilibet hic amplectatur quod sibi probabitur.

Et prædicauit Ionas, & dixit,
Adhuc quadraginta dies, & Ni-
niue subuertetur.

Itinere unius diei ingreditur Ionas urbē & concionatur. Quot autem dies transierit, antequād eam partem urbis & tantum spacium prædicando absoluuerit, textus non exprimit. Summam autē concionis breuem hic, quasi uno fasce cōplexus est propheta, uidelicet, adhuc quadraginta dies & Niniue subuertetur. Ionas autem proculdubio non tantum his quatuor aut quinq; uerbis usus est. Sed longiori oratione tractauit hoc thema, nē pe causam expri- mens propter quam ira Dei impenderet, que scel.